

百不如意處茅廬土穴潛靜清消舊業一味道中恬

誠睡語

一氣號玄精全真自降靈迴還無漏泄步步到天庭

贈劉真一

巧使千端計陰功暗折磨不施平等行迴首夢南柯

贈中都趙知觀

頓忘天下欲漸赴大羅鄉日月交光綻靈明滿十方

于周問吉凶

逐處有凶吉心乖趨避難百年隨手過覺則道中看

自在

道藏輯要

雲光集

堯

胃集九

處世如虛空浮生似夢間悟真超造化步步出塵寰

楊公出藥求教

壺中一粒丹心腎兩相關水火真加減服之見本顏

于志常問清閑

平等元神定逍遙玉性閑心空觀自在一脫萬重關

孟知常合藥索

性若金剛利心如大藏寬結攢元氣髓和合紫金丹

買文登七寶堂觀額

七寶丹霞觀通光結勝緣萬靈同慶會百福自周圓

買甯海州金蓮堂觀額